

雩都縣志卷十二

仙釋志

梁真人字守樸唐時於縣北斗山紫霄觀學道道既成聞於朝遣殿使持節來召真人市酒脯為勞葷素同釜於中隔以瓢殿使臨視曰素未熟而葷熟何也真人曰火候未到待拾薪來已而以檜一株倒植釜旁遂登木杪接浮雲而去使懼無以復命自刎山下相傳今祠祀北斗山神即使也

趙原陽名宜真宋武功郡王德昭十三世孫父為安福令因家焉幼敏穎好儒書例試入都以病阻夢神人

雩都縣志

卷之十一

仙釋

一

語曰子名籍玉宸何羨世貴因棄儒從曾塵外者學道初受清微諸法聞張天全得長春邱真人之道因又師事焉並熟金蓮頭金液內外丹訣又師李全究白玉蟾之學初結茅吉之白鶴山永興觀已而遍遊峨眉武當上清諸勝洪武間過雩紫陽觀愛其山水清幽遂居之修煉還丹間以道法為民救旱致雷雨嘗自題其像曰體陽之原任道之紀不事標持從他譽毀獨立蒼茫浮雲流水歲壬戌自正月鑰關至五月初三始啟沐浴更衣跌坐榻上書偈云遁世和光了幻緣緣消幻滅獨超然清風遍界無遮障赫日當

空照大千日字但作一圈書畢默然危坐適縣以鼓吹導獨租使過觀聞樂聲即援筆於圈中作一點擲筆於地風雨晦冥雷電交作倏然而逝後三日棺殮顏色如生汗流浹體葬觀後鳳岡山景泰六年贈崇文廣道純德原陽趙真人其徒雖衆得其傳者惟劉淵然邵以正

劉淵然贛人初為祥符宮道士師陳方外受先天正一雷法復詣雲都紫陽觀師趙原陽授以丹訣呼召風雷有驗洪武癸酉召至京見於便殿賜號高道洪熙間封冲虛至道元妙無為光範演教莊靜普濟長春

雲都縣志

卷之十二

仙釋

二

真人領天下道教事賜二品銀章宣德壬子乞骸骨御製山水圖歌送歸南京朝天宮年八十二卒比入殮已七日面色如生

邵以正師趙原陽得其傳宣德二年召至京七年授道錄司右正一正統十二年陞左正一景泰二年賜號守元冲靖高士五年七月初二奉旨祈雪以正為壇禱之比夜雪深二尺景皇帝異之封守元冲靖秉誠專確至道演教妙悟靜虛宏濟真人著有忠孝書名賢纂集淵然以正皆趙氏弟子一時名重京師荷九重眷因先後請於朝廷作觀以事其師朝廷允其請

勅建於紫陽觀之東賜名紫霄。

喻道純者以正弟子以正授以昇元之術及雷門諸階之秘能領師旨為民祈禱祛穰道行聞於京師成化二年召見便殿上問道以何為先而後可以格天地致雷雨感鬼神道純對曰誠意正心入道之門純亦不已天人自親於此修煉無不應也授體元守道悟法高士成化十一年復封安恬養素冲虛湛默演法靖化普濟真人領道教事既而命代郊祭賜二品銀章

化公姓黎失其名與事跡真身在長興里之葛坳堡面
霄都縣志 卷之十二 仙釋 三
有痣毫及諸指爪皆奕奕如生冠袍類道家者流里人祀之累有靈跡

釋

慧應師俗姓吳名文佑信豐人出家寓贛之岫山久而去之駐錫霄都是時明覺寺曰僧伽院文佑主焉因稱吳僧伽疎放不羈酒肉無禁人初詆為狂僧嘗持松枝歌曰趙家天子趙家王蓋知宋之將興且符十八公之數也見善信必敬禮遇兇徒輒詈罵一日兇徒凌之走避其園竹間呼曰大園竹好掃屋浹旬竹盡枯其家亦隨替院陰有竹林中一竿特巨僧伽每

伏魑魅俱懾岳武穆破固石洞班師至巖訪師舊跡
作詩鐫於懸崖石壁

天圓師名淨洪俗姓胡新淦儒家子年十三從歸宗禪
師受法遍叅知識初寓慈嶂之寒山久而駐錫雩龍
口龍口有穴虎師至有一蒲團坐樹林羣虎奔至師
揮叱之虎遁去遂結茅居焉耕鋤之暇靜坐竟日歷
數十年一夕龕燈忽滅師曰吾道緣將盡矣作偈示
衆曰本無來安有去竹不風蓮何露他年石上話三
生何必瞿塘烟棹處時明正德七年十月十八夜也
次日晨起盥沐禮拜畢召衆至座前豎拂子曰總是

雩都縣志

卷之十二

仙釋

五

遊戲耳生死了沒幹一領破衲衣留與易善換衆問
故師曰時到便來沙桶自開沙歸大海坐我蓮臺言
訖趺化徒如其言以沙桶封之後三年有進觀師舊
方丈者忽聲聞如雷沙桶自開師顏色如生爪髮已
長衆訝之問其人姓名曰易善具告以故善遂以金
漆布飾之歷今法身不壞凡有祈禱皆應焉

福祥嘉靖時本邑人出家為福田寺僧書法學顏魯公
吳生佛累膺封號祥為書其詳於碑存寺後殿與李
少鴻及解縉碑並傳

論曰二氏之學未嘗不與儒合道德經曰致虛極守

靜篤四十二章經曰守志行心垢除其與誠正之旨
何殊哉惜其徒張皇割裂遂至背規軼矩南行而北
其轅今日適越而昔至耳吾邑前代緇黃之最著者
曰趙原陽吳僧伽彼皆倣詭稠適各以其宗鳴奇而
不失其正概可傳也餘子連犴俱不離其宗故並附
麗之

方技志

醫

袁時字仰夏明西一坊人棄儒精醫瀕死輒能起之鄉人有貧病者赴救不避寒暑又通先天精微之教呼吸風霆役逐鬼物歲旱禱雨輒應邑東五里靈泉巖對江有巨潭為怪所憑舟過溺死無算時書符焚潭中旬日忽霹靂一聲頽山頂石於潭其患遂息今頽石猶存潭中俗名倒石潭子涇第進士官御史

劉家英字叔美國初時人棄諸生入山精岐黃業鄉人有疾苦施藥療之不取值所居芙蓉嶺有虎十數為害

雲都縣志

卷之十二

方技

七

叔美為文啟山神捕獲三虎餘悉遠遁人稱異焉

尹嘉實字公倫長樂里人徙砮城數世好學工詩精究醫術名於郡貧者呼至家恒以人獲作麥冬與之人傳其義纂有難經辨微脉訣辨微痘科誠求尹氏案驗方諸抄本藏於家子元貢元章相繼領雲籍鄉薦李文儀字竇長貢生得運父舉人聖裁祖少攻舉業文理洞澈以貧故去而學醫博覽素問胎藏諸經苦志覃思遂精其術為縣醫學訓科延之者不問貧富雖冒寒暑必往無資者給以藥餌不索值手錄脉訣諸科經驗方多至八十餘卷竇長以是傳之子其吉其

吉傳之子少思少思傳之子品尊皆以醫名世

康銀字用方號矩堂孟縣令緒之仲子性耿介能詩文
食餼於庠精岐黃之術疏方別有心得易秀文程勵
泉妻已死舉扶於地其家謂無生理為診視灌藥立
甦遇病無貧富見請輒往既痊不責謝邑令徐華雷
牛四公聞其名常延於署然診治外不干以私其沒
也令牛廷焯輓之曰可祭於社

譚章字含輝號素菴邑進士源之孫少聰穎博覽羣書
後捐國學棄儒業岐黃究心靈樞素問難經諸書遂
精其術病瀕死者能甦之徙居城西郊數十年活人

雩都縣志

卷之十二

方技

八

無算邑侯梁寶森贈以春滿杏林額著有素菴醫案
因兵燹迷失未梓

堪輿

曾文迪唐崇賢里人師楊筠松凡天文識緯黃庭內景
之書皆所究晰尤精堪輿術遊袁州萬載愛西山之
勝謂其徒曰死即葬吾於此及卒葬之後其徒忽見
於豫章道上駭甚歸啟其墳則空棺也人以為尸解
云所著有八分歌二卷行世

按邑曾氏之居小涸者皆其子孫其祠地即故居甯
都志竟載為其邑人非也

劉江東上牢人楊筠松避黃巢之亂來虔州江東與同
邑曾文述師之得其術江東不著文字僅留口訣執
簡握要其子孫傳之

劉謙江東孫宋吏部郎中知袁州事得祖傳地理而精
究之衍口訣著星龍穴竅案應曜証羅城明堂水口
凡七篇宜春韓鞏題其書曰囊金行於世

譚文謨全插子為劉江東壻因盡得其堪輿術知澄江
為吉壤可長子孫乃由潭埠徙居焉

譚仲簡文謨裔孫傳祖地理復得司馬頭陀天元一炁
論發洩其秘序以行世世所傳者多偽撰非仲簡真
粵都縣志

卷之十二

方技

九

筆明中丞李涑曾得其所序真本因更為作後序今
亦罕見

邱宏道西一坊人博學能文得郭樸葬經究心三十年
遂精其術與人言必以忠孝為本劉祭酒崧與相善
稱其有高世絕人之風作序贈之

論曰古者馮相保章筮人卜氏各有專官自司馬遷
傳龜策褚少孫補日者而人私其術家有其書談天
者多轂過者遂曼衍半天下矣粵自唐楊益以堪輿
名世流寓於茲曾劉諸公繼之為葬者師代不乏人
若素問之學袁仰夏而外尚有傳者餘術無聞焉噫

農工商賈業各有常弗舍本而逐末未必非司民者
之幸也

零都縣志

卷之十二

方技

十

祥異志

災祥

晉

義熙元年縣西二十里有金雞化為石

宋

建炎中民居火災及學宮

紹興四年甲寅秋七月大水

十六年丙寅大水城頽其半

元

至元二十七年秋七月水溢

零都縣志

卷之十一

祥異

十一

延祐元年甲寅秋七月水溢壞民廬舍

二年乙卯夏五月大饑

至治二年壬戌大饑

明

正統五年庚申大饑

景泰六年乙亥饑

天順二年戊寅大饑

正德五年庚午學宮火

嘉靖元年壬午南薰門樓火

三十五年丙辰夏四月大水三日城不灌者僅北門

漂流民居過半三日始退越七日漲溢如前五月
疫大作是年饑

萬曆五年丁丑自五月不雨至冬十月疫大作九月
彗星見

六年戊寅大水灌城

十一年癸未譙樓火

十四年丙戌夏大水灌城漂流民居

四十四年丙辰五月朔雨三日夜蛟蜃並出水高數

丈田廬漂沒民多溺死部使三院疏聞詔賑恤

四十六年戊午旱秋九月彗星見

零都縣志

卷之十二

祥異

十二

天啟三年癸亥冬南薰門樓災

崇禎十二年己卯儒學東齋榴樹下生芝一本二朶

如紫雲寶蓋數月不萎

十七年甲申大饑

國朝

康熙十八年己未南鄉峯嶺水暴溢高數丈漂沒田

廬人畜

十九年庚申冬十一月彗星見西方經明年春沒

二十九年庚午春二月大風雨雹西門城樓圮

二十四年乙亥冬譙樓火

三十五年丙子正月學宮桂樹花繁於秋

三十六年丁丑黃竹花有實大饑唐村里天雨粟盈寸黑糲而白實人掃食之

三十八年己卯學宮泮池蓮開並頭

四十二年癸未秋七月東鄉沙心天雨黑粟半日

四十三年甲申夏五月初二日大水二十九日復漲

視前高六七尺城中通巨艦東西南三城圮官廨民居多偃米斗錢二百四十文

四十五年丙戌夏五月初二日大水灌城

四十六年丁亥冬十一月十二日地震自北而南

雩都縣志

卷之十二

祥異

十三

五十二年癸巳夏四月暴雨大水城不灌者北門公

廨民舍多圯令盧振先虔禱乃退

雍正元年癸卯大水城不灌者北門禾已登不害

乾隆七年壬戌冬十二月彗星見自壁而室尾及奎

婁明年正月始沒三月初一巳刻天晦雨雹大如

栝夏饑秋七月大雷雨有赤鯉躍入大成門

十一年丙寅夏五月十日雨至於七月歲饑

十二年丁卯夏六月不雨至於七月歲饑南鄉出白

土可食食有死者

十三年戊辰自正月雨雪後至於四月不雨播種多

失時

十五年庚午秋七月初九日暴雨自辰至酉禾豐流坑二處山裂水灌城陷東南隅初十日水猶漲城隍門樓自災城鄉漂沒田廬者蠲賑有差

十六年辛未夏四月二十八日暴雨南鄉峯嶺水溢漂沒田廬二十九日大水浸西南門五月朔日食水復漲如前

十七年壬申春米貴斗錢二百有五十

三十九年甲午五月大水漂沒民居十之二三

五十一年丙午自四月不雨至七月稻無收米斗錢

零都縣志

卷之十二

祥異

十四

三百有二十

五十二年丁未蟲災米斗錢三百有八十

五十七年壬子正月朔學宮丹桂大放

嘉慶五年庚申七月大水東西南城圯數十丈漂沒民居十之四五官廨祠廟倒塌過半城不灌者北門一隅十餘家而已奉

肯賑恤蠲免徵輸

七年壬戌十一月地震百餘里

九年甲子鹽貴斤至一百有奇

二十五年庚辰十月大疫民多死亡

道光十三年癸巳春夏霖雨連綿秋歉收

十四年甲午春大水四五月大饑饉米價騰貴斗錢壹千貳百有奇貧民採草根樹葉而食

二十二年壬寅七月初八日大水灌城四鄉漂沒田廬人畜無數賑恤有差

咸豐三年癸丑六月霖雨禾未登生芽三十日石城蛟發七月初一日大水灌城秋歉收

四年甲寅三月橋頭雨豆五月米貴斗錢四百二十六年丙辰春彗星見於西北

十一年辛酉六月彗星見於斗八月始沒

零都縣志

卷之十二

祥異

十五

同治二年癸亥春三月中北鄉雹大如椹

三年甲子正月大雪竹木皆折

七年戊辰大有年

八年己巳四月初六日中北鄉蛟發山裂衝破田廬無數初七日大水灌城

五月西鄉差役曹某慣誣告唆訟傾人家產雷震其屋一家六口壓死五人僅掣開一小孩係出繼

與人者

九年庚午八月初四日未刻有僑居贛邑黃岡之庠生楊湘素行謹厚適往墟看戲忽霹靂一聲震死

者十六人湘在其內至酉刻獨活無恙人謂其謹厚之報

十年辛未春大旱播種逾時秋歉收

十二年癸酉大有年

論曰災異之告州邑多有或雩所獨見或不止雩所獨見然以天下之大而視一邑亦猶人身四體之一節寢也豈無幾之先見者耶至於寒暑燥濕之偏勝雖天時地氣使然然裁成輔相之道則在乎司牧者

雩都縣志

卷之十二

祥異

十六

矣

塋墓志

漢

柴侯劉叔喬墓 縣南七十里

唐

都監楊筠松墓 縣東北八十里地名躍口今稱為楊公壩明萬曆初太守葉公夢熊豎碑表之

宋

尚書右僕射李唐臣墓 縣西五里曾坑

元

翰林學士曾子儀墓 縣明覺寺西

零都縣志

卷之十一

塋墓 十七

明

石康知縣嚴鶚墓 縣北門外打禾橋

廣東兵備僉事袁慶祥墓 三門灘洛坑

廣西平樂知府嚴球墓 縣北門外打禾橋

南京工部主事何廷仁墓 縣東門外東嶽廟後

刑部主事黃宏綱墓 縣西門外生佛寺右

巡按浙江御史袁涓墓 縣西麻油坑口渡船嶺

巡撫應天僉都御史李涑墓 原縣北中城湖後改

遷固院三塔坑同治九年庚午該處鍾姓藉隔山白

契混爭墳山增貢生李丞杰控縣經邑侯顏公壽芝

訊明斷回原業上至嶺頂為界下至鍾姓屋背田勘
為界左右以砂手分水為界其界內之山均歸李姓
永遠掌管鍾姓再不得越界混爭詳稟立案 侯又
捐廉五十串為公倡勸立後以固院白竹園長房元
善公裔丞甲字紹太之長子家政娶妻曾氏入繼中
丞公十世孫奮達為嗣承繼宗祧以奉祠祀 侯為
上其事於

大憲詳請 咨部

國朝

孝廉易學實墓

縣北門外大園

雩都縣志

卷之十二

墓

十八

孝廉梅賁英墓

縣西門外教場坪

孝廉李睿墓

縣東十五里梁下灣

陝西商州直隸州知州加知府銜宋昌瑀墓

縣西

三門灘

禮部主事宋昌芹墓

武進士宋應桂墓

邑東鄉丞口江羅漣山

漏澤園附

園地一在北關外距縣二里一在邑西明覺寺右廣長五頃宋崇甯間詔貧無以葬者州縣以平糴錢置地嘉定甲申知縣余機繚以垣墉前門扁曰澤泉基址已盡明萬曆癸巳知縣黃應元另購民地二區長仞坪與土著北關外與寄寓形家謂北關為邑治來龍不宜傷殘奉縣嚴禁不許復葬長仞坪地尚廣衍土著寄寓貧無所厝者俱令葬於長仞坪

國朝舊址已盡康熙甲申奉檄諭催出柩城中積柩千餘俱以瘞骨無所為詞知縣盧振先查舊治古田坪設

零都縣志

卷之十二

葬

十九

立義塚一月內督令盡葬旋遭洪水幸免漂流義塚

一在北郊龍腦右邊後大路塆上咸豐八年前任潘公毓瑞捐洋邊壹百貳拾員收陣亡殉難骸骨安葬於此為之立碑

一在東門外左邊城脚下咸豐八年署縣事馮嘉瓚收陣亡殉難骸骨瘞此立碑

論曰託體空山阿纍纍者皆是也而百千年來堪為憑弔者幾人哉柴侯軼其事筠松以藝名後人猶撫宰樹而低徊久之則夫功業文章彪炳寰區者豈徒

留遺蛻於荒榛已耶華屋邱山之際當深長思矣
寺觀志

妙淨寺在西關外即福田寺舊在大昌村梁天監中建
元遷今所宋大中祥符賜名內有明覺院又謂僧伽
院宋僧吳文佑焚修其中圓寂後肉身存焉有竹生
牀下青葱殊異漸播鄰園土人名吳僧翠竹唐李少
鴻手書楊知新碑記明解縉亦有記書於碑陰

國朝嘉慶庚申寺圯於水道光乙酉職員管德松監生管
奕網勸捐重修生佛道場大雄殿彌勒殿真君殿德
松捐修左羅漢殿翠竹樓并終彌勒殿工用奕網捐

零都縣志

卷之十二

寺觀

二十

修右羅漢殿監生溫昌錦溫煥綸捐修元帝閣杜鴻
鈞捐修觀音閣杜雅傳杜崑秀捐修屏牆監生廖成
祿捐修外大門邑侯黃公濬有碑記邑人宋惟駒有
重修翠竹樓記

智明寺在縣東城外唐大中間建明嘉靖中改稱慧明
山寺進士黃士鈞讀書處

佛堂庵 縣治北即古圓通閣

汲福庵 縣治東二十步

真君庵 縣永安門外

慧明塔院 縣西一里唐僖宗廣明間建宋至和間邑

人曾絲等建塔七級極壯麗明洪武丙辰災院廢塔
存隆慶間雷雨隨一碑見紀言志

國朝康熙丙寅令岳慈重修

黃竹庵 縣北一里 青雲嶂庵 縣北七十里

義渡庵 縣水南 紫雲庵 縣北十里

笠渡庵 縣東南三里 黃金庵 縣東十里

龍門庵 縣西南一里 中庵 縣北七十里

大吉庵 縣東北五里 三尾庵 縣東北一百里

龍口庵 縣南三十里 固院龍口庵有天圓師真身

國朝康熙庚子僧通重修

零都縣志 卷之十二

寺觀 二十一

洪蔭庵 縣北四十里 清漣庵 縣北四十里

苦竹山庵 縣東北七十里

雪雲庵 縣東南七十里

東坑庵 縣東南四十里

磊峰庵 縣東南四十里

龍獅山庵 縣東南三十里

來黃庵 縣東南七十里

慈果庵 縣南四十里

小水庵 縣南四十里

雪竺山庵 縣南六十里

金雞山庵 縣南四十里

鍾公嶂庵 縣南六十里

堯塘庵 縣東南五十里

雪芳庵 縣南七十里 雩會之交明正德間建萬

歷間僧明德重修邑人李淦記

需巖庵 縣南四十里

墨烟巖庵 縣南四十里

滴水庵 縣南七十里

山摺庵 縣西南五十里 以上雩化里

望帝巖庵 縣北九十里

雩都縣志 卷之十二 寺觀 二十二

菴子腦庵 縣東北八十里

馬僕庵 縣東北八十里

翠屏庵 縣東北八十里

紫雲庵 縣東北四十里

龍潭庵 縣東北七十里

青蓮庵 縣東北八十里

坳坵庵 縣東北一百里

白雲庵 縣西五十里

康石巖庵 縣西南三十里

龍王巖庵 縣西四十里

盤龍巖庵 縣南四十里

龍潭庵 縣南八十里 以上唐村里

皇固庵 縣北一百一十里

小山庵 縣北一百二十五里

普賢庵 縣北一百里

朝陽庵 縣北一百里

蓮蓬山庵 縣北一百里

大竹園庵 縣北二百里

善慶庵 縣北一百里 以上長樂里

五龍巖庵 縣北八十里 安富里

雲都縣志 卷之十二 寺觀 二十三

祝聖庵 縣北一百八十里長安里虎井中有獅

子巖葫蘆塚諸勝境

興龍庵 縣北一百三十里 安仁里

天馬巖庵

鐘鼓巖庵

圓石寨庵

岵峒山庵 以上俱安仁里賴村距縣一百八十里

后唐寺 縣北二百里 青塘里

紫陽觀 縣東城外百步隋時所建舊名清華道

院唐景雲間改今名明正德間遷儒學於此嘉靖

間復遷學入城內觀仍故址今為祝聖道場

紫霄觀 在紫陽觀之東

仙霞觀 縣北七十里

延景觀

延禧觀

清真觀 在青塘里宋李山為岳飛裨將從征固石

過清真戲發一矢貫殿角螭吻迄元猶存蓋鐵箭也其題筆有神武後護軍統領李山遵少保命恭奉朝旨指揮掃蕩一方之寇駐軍此觀忽聞異香念真像所居不欲焚燬云云殿下有龍窟窟上

零都縣志

卷之十二

寺觀

二十四

石像背通一竅氣吐濛濛深數百尋探之不窮

大霄觀 即斗巖唐貞觀中建

塔

重光塔在永安門外迴瀾閣右舊名慧明院塔宋致和丁未邑人曾紹陳可暹建紹定辛巳災嘉熙庚寅孫嵩修復元泰定丁卯蕭貴洪重修蕭核記明嘉靖甲午就圯邑令黃應元重修改名重光僉都御史李涑記

蜚英塔在十字街僉都御史李涑建并記今廢

巽塔在水南紅蓮塘右明邑人易學實倡建并記

辛峰塔在邑十里文古石崇禎三年建易學實記

文明塔在固院乾隆壬戌建

步青塔在安仁里賴村雍正戊申建

文峰塔在雩化里禾豐乾隆丁巳建

迴瀾塔在唐村里貢生吳標建

凌雲塔在長興里興仁村對望

論曰聞之僧寺始於漢明帝以竺法蘭居鴻臚而得
名而雩寺之最先者無過梁道觀始於周尹喜於終
南山創草樓而得名而雩觀之最先者無過隋豈梁
隋以前法象道德之傳尚未及南服歟夫亦代遠年

雩都縣志

卷之十二

塔

二十五

湮紀事者失其踪也然如智門一寺以黃進士讀書
傳青真一觀以李統制紀功傳事越於前微而名光
於二氏又何必揆厥所元哉

新增

六秀塔在長樂里天華山同治十一年鍾賢可堂建

寺觀補遺

香爐山庵縣北八十里安富里芭蕉坑係長樂里固溪謝氏捐施其田山屋宇來龍水口出入空地園土確寮厠所各色俱全又左邊油山一窩四面早田一坑納謝俊逸堂租四担正此庵謝岐伯堂連修四次因年久傾頽於同治七年其裔孫增生炳麟從新修整加造外面石門樓一隻費百餘金金陽山庵縣東北七十里崇賢里係躍溪管姓捐施

田山屋宇俱歸奉祀香燈人掌管

